

Hildward y Wilfrido honra pa

Wilfrido Vargas y su banda tabata huesped di familia Croes



Fin di siman Aruba tabata di fiesta ricibiendo asina pa promer biaha e joven Arubano e principe di Caribe Hildward Croes hunto cu e banda internacional cu e ta forma parti esta Wilfrido Vargas.

Diasabranochi na Hotel Concorde e banda aki a toca mano a mano cu e agrupacion Pride y segun informacion cu DIARIO FARANDULA a ricibi cu berdaderamente e fiesta tabata di gala y cu tabata un fiesta masha ameno caminda por a disfruta di dos tremendo banda. Na e ocasion aki gobierno di Aruba a honra tanto Hildward pa su logronan internacional y Wilfrido a ricibi un plaquette como un embahador di buena voluntad.

Diadomingo anochi e pachanga a bailar con Wilfrido a sigui na Centro di Bario Brazil, na unda tambe e dos personahenan aki a ricibi un plaquette di merito pa nan logronan.

Diadomingo atardi Wilfrido Vargas y su grupo hunto cu e principe artista Arubano internacional tabata huesped di mayorman di Hildward na nan cas na Cumana. Sr. Maiky y Sra. Ada y familia ta agradecido na

Wilfrido Vargas cu a duna Hildward e oportunidad pa demostra kico un talento joven por haci y esey a keda demostra tambe caminda e agrupacion aki a keda nomina pa Grammy.


Ta di aprecia mirando cu un joven Arubano a logra pasonan asina grandi di converti su mes den un artista grandi, ya cu manera Wilfrido mes a bisa cu ta pa e talentonan di Hildward nan a wordo nomina pa Grammy.

Tabata un lastima si cu na yegada na aeropuerto Diasabratardi tabata tin un publico chiquito pa ricibi un yiu di tera cu a sa di dal pasonan gigantesco y cu su number ta rezona mundialmente. Hildward di parti DIARIO FARANDULA pabien un biaha mas cu e logronan y cu manera e publico a demostra tanto Diasabranochi como Diadomingo anochi nan ta cubo y ta orgulloso cu un yiu di tera por a yega asina leu den su metanan.

Segun DIARIO FARANDULA a comprende cu Wilfrido Vargas despues di akinan lo sali pa un gira pa Ecuador, Panama, Venezuela, sigui pa un otro gira di 3 luna na Europa patrosina pa Pepsi Cola.



Hildward, Sra. Ada, Wilfrido, Sra. Mansur, y Sr. Maiky.



E agrupacion Wilfrido Vargas hunto cu mayorman di Hildward dilanti cas di familia Croes na Cumana.



Wilfrido hunto cu su agrupacion mirando e sabrosísimo plato cu familia Croes a prepara specialmente pa e ocasion aki di nan cushina Arubano.